

Аллагъла ﷻ къанунти хіясибли пикрихлебикіутачила

Ишхелла бусурмантала гъабкъяна-бас куфр/иманничила (вирххерхни вирххилчила) масъала берглар аргъаибтазибад ца саби. Чисалра дигъандеш ахен, «джигъадия-ваххабия» мазгъабла вакилтани Чевяхси Аллагъли ﷻ бархъибсилчил дурусли ахенси диванбируси гъариллис цагъуна такфир(вирххерхули или гъайиблавирни) дурайсули саби. Чули буруси марбирули, илдани Къуръаннизибад иш аят гъанбуршули саби: «Аллагъли ﷻ бархъибси хіясибли диванхлебируси гъарил – вирххерхуси сай» («Аль-Маида», 5:44).

Къура-Мухъяммад-Хіяжи Рамазанов

Илхеллира, Аллагъла ﷻ къанунти хіясибли пикрихлейкѳули виалра, ил шаригъятли къабулбарибси хлебиънилизил халбарес ва, ил багъандан, марбарилли биэс бирни ибси адамла бухналасил умут илдани пикрилизил кайсули ахен. Джигъадистуни илгъуна пикрилизил къабулбиркули ахен ва бусурмантала ил шайчирти баркъудлуми иманничил сенкал дархдасунти ахен ва сеналра илдани иличи - иманничил – асарбарес хлебирар ибси мурджистунала пикри къяналасил халбирули саби. Се бикѳули, гъатли, ил масъалала чеб-кад Агълю-с-Сунна Валь-Джамагъала гъалимти? Аллагъла ﷻ закон хіясибли пикрихлейкѳуси, марлира, сегъунти-дигара аги-хіяйзив муртадли (динничивад гелумизурсили) вирусив? Ил суайс жаваб бедахъес нуша дугъадилзехе имам Абу Гъябдулагъла аль-Къуртуби аль-Маликила халасил хурматла тафсирличи. «Аль-Маида» сурализибадси чедеб гъанбушибси аят баянбирнилизил бурили саби: «Аллагъли () нушаб бархъибсилчил дурусли пикрихлейкѳуси --вирххерхуси сай» (цархилити аятуназил «вирххерхуси» ибси девла мерличил «бархъдеш агарти зулмукарти» (аззалимун) ва «бунагъкарти» (ал-фасикъун) или саби). Жавабли биэхъубли, илини лукѳули сай, ил аят арагълеб хлебирхутачила саби или.



Ил марбирули саби имам Муслимли, сунела сахиххилизил гъанбушибси аль-Барали бархъибси хіядислизиб. Илгъуна пикри саби имцаитигъунти муфассирти-гъалимтала. Аллагъли ﷻ нушачи бархъибсилчил дурусли пикрихлейкѳуси бусурман биалли куфрлизи виркуси ахен, халасил бунагъ бирули биалра. Гъалимти бикѳули саби: «Чевяхсила ﷻ илди дугъбазиб чеимцаиси пикри леб. Къуръан инкарбарилли ва Расулулагъла ﷺ гъай къабулхедирули, Аллагъли ﷻ бархъибсилчил дурусли пикрихлейкѳуси – капур (вирххерхуси сай)».

Ибн Гъяббасил ва Муджагъидли ишкъяйда баянбарил. Илхелли ил аятла ца мягъна бетарули саби. Ибн Масгудли ва аль-Хіясайни буриб: «Аллагъли ﷻ бархъибсилчил дурусли пикрихлебикіути лебтачи (сай бусурман виаб, иудей виаб яра капур) тинтибируси ил аятла цахнабси мягъна лебси саби. Цархилван буралли, Аллагъла къанунти хіясибли пикрихлейкѳуни илала динничилси бархбасла ца бутла биалли ва илгъуна суд биэс бирар или умутчевли виалли, ил адам – капур сай. ▶▶ 6

Номерлизир:



Мавлид-илала хлекъдеш ва бухнабуц



Хъулирти арц чила сари?



Тикрардукіути балагъуни ▶▶ 7

Къабулдарибти балгнала дигъандешуни

БАЛГА КЪАБУЛБАРАХЪЕС БАГЪАНДАН ЧЕВЯХСИЛИЧИ ﷻ СЕН-СЕН ДУГЪАИЛЗУСИ?

Нушани мурталра «балга» ибси дев бикѳула, хаслира бусурмантала мажлисуначил, бахъал халкъ цалабикили дузахъути гъадатунала замана: жумягъи бархила дехибтачиб, зикрубачил, мавлидуначил, тагъизиятуначил (вебкисила бялгъа ихъухели), гъести гъамрула яра хурматла адамличил балга барахъес тиладибирухели.

Мухъяммад-Амин Мухъяммадрасулов

Амма гъарилли балгала хіякъикъат, ил мурт барес гъагъинисил балули хлебирар. Илкъяйдали балга бируси

саби Чевяхсилли ﷻ ил аргъесли ва Илини ﷻ илис жаваб бедесли. Ил тема тингъли гъаргбарес багъандан нушани иш статья белкес пикрибарилра. Бурес гъагъинили саби, лерилра удир маслигъатдирути секла дузахъули или, Чевяхсилли ﷻ хушала балгалис жаваб луга или хъябла асес вирусил ахен, сенлахенну ил – лерил секла Вегибекі сай, нуша биалли Илала ﷻ лугърира. Нушачил чебси – Илизи ﷻ тиладибирес ва балгани диркъес, нушала балгнас Илини ﷻ жаваб лугал хелугал Ца ﷻ Суненицун саби балуси. Цацахели ишкъяйда бетарулира бирар – чуйна-сабил балга барилли

жаваб хлегали, нушани умут бетахъахъили, някъби даткайули дирехле. Нушани сенкал хъумартес асубируси ахен, нуша Чевяхсилли ﷻ аклахъубти дигъниличила, Илини ﷻ се биубсил, се лебал, се бетарарал лерилра секла далуси виъниличила. Ил багъандан, Илини ﷻ ахли, гур чили балуси нушаб се гъахсил? Цалилра! Ил багъандан, эгер Чевяхсилли ﷻ нушала балгалис жаваб хелугалли, Илини ﷻ нушала иргъхергъули яра Ил ﷻ нушачил гъимугили ибси ахен. Асубирар, нушала иш дунъяла ва итил дунъяла гъамрулизил нушаб вайдеш бетхлеахъес багъандан Илини ﷻ нушала балгалис жаваб угули виэсра. ▶▶ 6

Дагъистайзив динна хяракатчи кавшиб

Гъалаван белгили ахенти адамтани Дагъиста динна хяракатчи Сиражуддин Исрафилов кавшиб. Ил Табасаранна районна Хурик шилизив сунела юртла азбарлав бархлехъла замана сятгит 6-личив хярхубалавариб. Бикърумани бурни хясибли, чебухъунти – камуфляжла палтарличил беглибути клел адам сабри.

Сиражуддин Исрафилов Дагъистайзив машгурси динна хяракатчи сайри. Ил Дербентлизибси мижитла имамра сайри, илкъяйдали динна белчудила ца заведениелис бекдешра дирулри. Иличи че, илини экстремизмала бялчибизла цашаликардеш кьаркьли далтгусири ва илдачил кьаршили идеологиялашалси дяви бузахъусири. Сиражуддин Исрафилов кавшниличил бархбасхъи, ДР-ла Президентли, Халкъла Собраниели ва Дагъистан Республикала Правительстволи ил такъсир батлун.

«Ил такъсир – Дагъиста жамигъатлис яргаличилси инсап-хия агарси жи, нушала цахнабси юртлизири даршудешличи ва паргъатдешличи чегахъибси Исламла душмантала бяхъ саби. Ил хилила дураберкьибти такъсирчибани Дагъиста халкъла беглар дурхъати хяланачи къас-къасли дураберкьибси вайбаркъ саби», – бурули саби дугъабизлизиб.

Багъахънилизиб илкъяйдали бурули саби Сиражуддин Ханмяхьяммадович экстремизмала ва терроризмала идеологияла чумаси кьаршикар витниличила. Ил Дагъиста жамигъатлизири, Исламла



динна духнар ва гражданинти-ургар даршудеш ва паргъатдеш мяхкамдирнигъевли чумали ва гъабгъергидешличил дураулхъусири. «Ихтиюрти далтахъути органтазибад нушани тлалаббирурла ил такъсир гьаргбарес багъандан имкантигъунти тяхлурти далдуцахъес, гъийибла бегитас бархъси ва кьаркьси танбихи баресли хлукму дурасахъес», – белки саби багъахънилизиб. Сиражуддин Ханмяхьяммадовичла гъамтази ва тухумтази урки-уркилабад халаси пашмандеш балахъулра.

Мар-марли, нуша лерилра Аллагъли ﷻ аклахъубтира ва Иличи чаррадулхъутира.

Россияла хяжликъяна Бакъигъла хябрази хярипкъиб

Гъундурачив транспортла бехлемцлизи викибси Дагъиста хяжликъянабала руководителъла кумекчи Мухьяммад-хяжи Рашидов Мадинализибси Бакъигъла хябрази хярипкъиб.

Марлира, Мухьяммад Идбагла ﷻ тухумти ва илала балликъянаби, машгурти гъабидуни хярипкъибси илди хябрази катни гъарил бусурманна халаси игъбар саби ва Мухьяммад-хяжини ил ихтияр сархиб. Бусягъит хябрази бякунти миллионти бирхути адмтала балгнала гъахъдеш илисра биур. Гъалабра багъахъурливан, октябрьла 26-личиб Дагъиста хяжликъянабачил Акаба



(Иордания) аэропортлизибад Мадинализи аркуси автобус бехлемцлизи бикиб. Автобус маршрутла ахирличи баэс

200 километр гъуни лебалли, гъелабси хула заябъниличибли убилчебуиуб. Рейсла руководителъла кумекчи Мухьяммад-хяжи Рашидов диубти дяхъи-хъаслизибад лев мерличив таманкайуб. Шел гъатли адам деклар-декларти дяхъи-хъасличил Мадинала госпитальлизи кабаркъиб.

Ишди бурхназив Дагъиста муфтий Гъахъмад-хяжи Гъабдуллаев зарайзи бикибтачи гъаввакьиб. Дагъиста бусурмантала бекли зягиптала арадешличила хьархьардяхъиб, хяжла лерилра гъадатуни арагъерли хьараахъес биэсли илди къалабали арабиубли дигниличила багъахъур.

Россияла хяжликъянабани чула балгназив Сулейман Керимов гъануршули сай



Мина кьардличир хяжликъянабани чула гъергитигъунти далдуцуни дурадуркьули сари. Дунгъала дахъал улкназибад чула динна чебла ахъес бакьибти ургаб Россиялизибад бакьибтира камли ахлен: Ингушетиялизибад, Татарстанлизибад, Чечнялизибад, Дагъистайзибад ва цархилити мераначибад...

Ца ишдусун ахлен Россиялизиб машгурси меценат Сулейман Керимовли сунела гъахъдешличи

фондлизибад адмтас хяжлизи букъяхъес кумекбириси. Илдигъунтала луглизибадди саби чули хяж дураберкьес гъунарагартти ва беггъалаб дурхъати мер-мусаличи аркьути.

Бирхутани Сулейман Керимовлис хасли декларли балга бариб. Илала кумекличил чумал азир адамли хяж дураберкьиб. Илдазивад гъарил Сулейман Керимовлис баркалла викули сай ва илис Аллагълира ﷻ гъахъдешуни дарили дигниличила балахъули саби.

Гилму диннизивад деклармабиридая!

Гъаннала заманала жамигъатличил, политикаличил, экономикаличил дархдасунти гилмула-теоретикалашалти жалти ургаб динна ва гилмула бархбасуначила суал гинтли хербириули саби. Европала эпоха Просвещениела манзилличибад бехлибхъили, Россияла революциялис гъалабси ва революциялис гъергъис манзилличи бикайчи, гилмула ва динна ургаб сегъуналра бархбас агарси саби ибси пикригъевли чумали кабизуртири. Ил суал хербарайчи аргъес чебиркур дин се сабил, гилму се сабил, илдани иргъахъуси бухнабуцличила. Дин чянкъли дузахъес гъагъинити, гъар адамличи хъарти низамкъаидализиваддун ахлен цалабикьибси. Дин – ил Аллагъла ﷻ мицирси гъай саби, сабира инсаниятличи идбагуначибад бархъибси. Диннизи кадурхурти сари лерил багъудлуми, сарира Аллагъли иш дунгъаличиб, ванзаличиб хербилахъес кумеклис адмтас гъаргдарибти. Ил багъандан илди клелра дев цализирад ца деклардирес гъагъинидеш агара.

Ислам Хьямзатов
islam_gamzatov@mail.ru

Аллагъла ﷻ дурхъати умазибад ца саби Гъалимун бикъуси у – Лерил секлал далуси, дигъанти, цархилитани хъедалути ва гъаргити. Адамтачи дархъибти лерил дурхъати белкнанала беклибуисигъуна мурад – илдаци багъудлуми даахъни сабри, сенахленну иш дунгъа мурхъли хябяркьурли адамли я сунела бухнабуцличила, я динна бухнабуцличила ва Аллагъла ﷻ тлалабуначила аргъес вирхлейрар. Аллагъли ﷻ Сунела идбагуначирад адмтас гилмула лерил шалубачила багъудлуми дедиб.

Ирвин Яломли сунела «Ницше висухъели» бикъуси романнизиб лукъули сай, гъахъдеш ва вайдеш балнила гъуйчи калзухъели, дин бархъбатес гъагъиниси саби или.

– Илгъуна багъа бедес хядурлирив ху багъудилис? – хьарбиули сай Ницшели.

Ишбархли биалли гилмула гъалимти динничибад гелумбилзули ахлен, гъагъиралра ил руркъули саби, чула хянчурбазиб Чевяхъси Аллагъ ﷻ левни кабилзахъули саби.

Пегбетаибти немецунала математикунала 62%-ли Аллагъ ﷻ левни марбирули саби. Тамаша саби, амма имцаливан ил темаличила физикуну ва математикуни гъайбикъули бирар. Англияла исследователь Найджел Катлендди бурули сай иличила «бахъалгъунти гъалимти чула хялумцлаби дурадуркьили гъергъи ца пикриличил лябкъули саби, лерил низамкъаидала, жагадешла, чули хясибдирути аргъес къиянти дахъал секла гъелаб чула гъахъуличил бахънали чебяхъси гъахъу лебси биъниличила.

Торнтола гъалимтани кабизахъурли саби Аллагъличи бирхаудили имцати шишимтази ва нервобазе викилизивад адам уцахъули виъни. Университетла психологунани дурадуркьибти хялумцлаби хясибли, Аллагъличи бирхутала бекла мехъели адамла хял-гъабигъатличи гъахъси ва ункъси асар бирули биъни кабизахъурли саби. Амма лерил илди селра ахлен, бекгаличил цугбикьихъели, Аллагъличи ﷻ бирхутачи ва хъебирхутачи се херли бирарал пикрибаралли.

Иш дунгъаличирти азир дусра Итил дунгъаличирти Даимдешличил цугхедирку. Беклибуисигъуна, нушазивад гъариллис ил даимдеш чинаб беркес къадарбирарал саби – Гъалжанализиб яра... буресра балли хейгулра.

Учредитель
Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет
Председатель редакционного совета муфтий РД Ахмад-хаджи АБДУЛАЕВ
заместитель муфтия РД Мухаммад ДАВУДОВ

Главный редактор
Айна (Патимат) ГАМЗАТОВА

Редактор
Ислам ГАМЗАТОВ

Канонический редактор
Мухаммад ДАВУДОВ

Корректор
Нурулгъуда РАЖАБОВА

Дизайн, вёрстка
Лейла ГУСЕЙНОВА

Менеджер
Абдусабир АХМЕДОВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС

77-42079 от 24 сентября 2010 г.
При перепечатке ссылка обязательна.

Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.

Заказ № _____

Сдано в печать 17 ноября 2011 г. в 18:50

Тираж 3450 экз.
Адрес редакции
367015, РД, г. Махачкала, ул. Азиза Алиева, 2.

По вопросам подписки и доставки обращаться по телефону: по Республике Дагестан — 8-988-699-28-24 по г. Махачкале — (8722) 914-222.

E-mail: assalamweb@gmail.com;
www.assalam.ru

Мавлид — илала хлекъдеш ва бухинабуц

Халкълизир мавлидуниван далути ва чузив Мухъяммад Идбаг ﷺ чевяхъирути бусурмантала мажлисуни се сарил хлебалути яра багъес хлейгути адамти гьегъиси замана бахъал къаршибиркули бирар.

Ансар Рамазанов

Даширая ил масъалала черкад цакъадар пикридулхъехле.

Мухъяммад Идбаг ﷺ мурталра ахъли чевяхъирусире ва илала балликъянабас чула гьямурула мягънале вирусире. Идбагла ﷺ балликъянабазибад гьибрат касили, Исламла улкнала бургазивад бегъ гъалав Идбаг ﷺ чевяхъварес багъандан бахъал адамти цалабахъибси ва мавлидлис азир динар(мургъила гьябасуни) харждарибси Аль-Музаффар Абу Сягъид сайри – Ирбилъла пача. Аль-Музаффарли, гъар дус Рабигъул-аввал базлизир Идбаг ﷺ акъубси бархъила байрумти дурадуркълули, илдигъунти мавлидуни дирусире. Аль-Музаффар – урехи агарси, асилси, гьякълучевси, багъадур пача, илкяйдали гъарли-марси кунгла гьялим ва хъялалси бусурман вирусире. Илани сай вебклайчи пачалихълис гъуни чебахъули калун. 630 ибил дуслизив, сунела гьяскарли Ака(Палестинала жяхъелла шагъуртазибад ца) шагъар алавуцибси замана, вебкълбсири. Мавлид дурабуркълни Къуръанна аятуначил ва хъядисуначил дурусбиркни багъандан, илис машгъурти гьялимтани ва имамтани чихъси къимат бедиб.



Исламла машгъурти гьялимтани мавлид-личила дурути

Гъачам имам ас-Суютгъилизи (Къуръан баянбирани) мавлидличила хъарбаиб: ил дурабуркълни гьялхисив яра вайсив, мавлид белчълни багъандан керо биусив ахъену? Илани жаваб гьиб: **Мавлид – сунечи адамти Къуръан белчелес, Идбагла ﷺ хъядисуни дурес, Ислам тинтлбирес бехълбхъниличила хабурти дурес ва Идбаг ﷺ алкъулхъели кадикибти анибукъуначила бурес адамти цалабирхъуси, илис гьегъи биалли лебилра бакълбти хуреглабируси байрам саби.** Илгъуна байрам къабулти баркъудлумази кабурхъуси саби, ил багъандан, керо биуси саби. **Сенахъенну мавлидлизив Идбаг ﷺ чевяхъирули сай ва ил акълни сабабли адамти разибурули саби.**

Маккала муфтий Гьялхъимад Дахълъяни сунени Идбагла ﷺ гьямуруличила белкъунси жузлизив буриб: **«Гьядат бетатурли саби Идбаг ﷺ акълни тарихличила адамтани бакълалли, Идбаг ﷺ чевяхъирули илди тлашкабилзни. Ил керола баркъуди нушала умматла бахъал гьялимтани дурабуркълуси».**

Машгъурси гьялим, имам ан-Навави мавлидличила ишкъяйдали викълусире: **«Нушала замана дурадуркълути баркъудлумазибад бегларга гьялхисигъуна – гъар дус Идбаг ﷺ акълубси бархъи садакъа буртълни, разидеш балахъни ва мискинтачи пикри бяхълчиагъни (илдас савгъатуни дуртълули). Ил Идбагъличи ﷺ диги дакъударни ил чевяхъварни ва Чевяхъисилис ﷺ нуша Мяхъяммад Идбагла ﷺ умматлизирад дарни багъандан деза дикълни саби».**

Хъясан аль-Басри викълусире: **«Дила Ухълудла дубурацад халаси мургъи лебси биалри, мавлид дурабуркълниличил харжбираси!».**



Аль-Жунайид аль-Багъади викълусире: **«Мавлидлизир Идбагла ﷺ даража чили чебахъибурули чили бутлакъяндеш дараллира, ил гъарли-марли динниччи (иманниччи) вегъллар».**

Магълруф аль-Курхи викълусире: **«Мавлидлис чили хурег хъядурбараллира ва динна узби цалабахъаллира ва шала чили алкаллира, сагати палтар чили чегълаллира, мавлид чебахъибурули мискълавиубли жагавиаллира – ил Аллагълли ﷻ цаибил къукъялчил, идбагъуначил варх мицълурирахъу. Ва Къямала бархълличи бикайчи ил «Пиллион» бикълуси мерличив кавлан».**

Имам аль-Ямани викълусире: **«Мавлид белчълхъес багъандан динна узби цалабахъибси, хурег хъядурбарибси, мавлид бучълуси мер умубарибси Чевяхъисили ﷻ Къямала бархълли сиддикълуначил, шагъидуначил (Ислам багъандан алхунти) ва хъялалти хъял-тлабигълтла адамтачил варх мицълуриру – ва ил талихъла Алжанализив вирар».**

Чевяхъис гьялим ас-Сирри ас-Сикъти викълусире: **«Мавлид бучълуси мерличив вякъунси адам, марлира, Алжанала анхъллизивад вархъибси сай. Сенахъенну иличи сай, Идбагъличирти ﷺ дигили ахъли, чиллира гъирхъериб. Аллагълла Расулли ﷺ къалли бурибси саби: «Итил дунъяличив адам сунес дигиатурси адамличил къаршииркуси сай».**

Жалалуттин ас-Суютгъини сунела «Аль-васаило фи шархъл-шамали» жузлизив лукулли сай: **«Сунезиб мавлид бучълули калунси цалра юрт, мижит яра къатл агара, мавлид дурабуркълбсилес Аллагълли ﷻ уркълеци хъебарибси ва ил мер малайкъунани алавахъебуцибси ва илис салават хъебелчълунси».**

Мавлид бучълуси адамличила се-биалра бурайчи, мавлид се сабил багъес чебси саби. «Мавлид» ибси дев гьяраб мезличивад шурбатурхъели «акълни» ибси саби: Мухъяммад Идбаг ﷺ акълни.

Се саби мавлид ва бусурмантани мавлид-личиб се бируси?

Мавлид дурабуркълуси замана нушани:

1) Цалис цали «Ас-саламу гьялайкъум» или, салам лугълра. Чевяхъисили ﷻ Къуръайзиб бурули саби (мягълна): «Хълушазив салам галли (масала, «Ас-саламу гьялайкъум» ибти дугъбачил), хълушани гъатлара гьялхти дугъбачил (масала, «Вагъллайкъум ассалам, ва ряхълмату-Ллагълли ва баракатугълу» или), яра илала саламличив мешули (масала, «Вягъллайкъум ассалам») жаваб чарбарая. Расуллагълли ﷺ ибси саби: **«Аллагълли ﷻ Адам ﷺ акъл-хълубси сай 60 декълла (30 метрличив гъамли) ахъсиле. Аллагълли ﷻ ил акълхълубхълели, илизи иб: «Укъвенну, итди кабибти малайкъунала къукъялизи салам беда, итдани хъези сегълуна жаваб лугълара бакъа. Мар-марли, ил хъела ва хъела насабла салам саби».** Адамли ﷺ иб: **«Ас-саламу гьялайкъум!».** Илдани жаваб гьиб: **«Ассаламугъллайка, ва ряхълмату-Ллагълли ва баракатугълу...».**

Абу Уммаратли ибси саби: «Расуллагълли ﷺ нушачив хъарбариб 7 секълл дарахъес: **зягълпсилечив гъардикълхъес, адам хъяриирхълути далдуцуназир бутлакъяндеш дарахъес, гьемч бушубсилеци «Ярхълмука-Ллагълли» ирахъес, гълунагарсилес**

кумекбиряхъес, къакъавакълхълбсилес кумекбиряхъес, салам тинтлбиряхъес ва хъялис мартилли дихъес».

Идбагла цархълл хъядислизив бурули саби: **«Хъедирхълули лералцадхъл хълуша Алжанализив ахъеди-цълудая, ва цалис ца дигхъейгули лералцадхъл дирхъес хъедирудая. Хълуша цалис ца дигахъеси секълл чебахъили гълхълл ахъенара? Адамтицургаб салам тинтлбиркълхъеная!».**

2) Къуръан бучълула. Расуллагълли ﷺ ибси саби: **«Къуръан бучълена, мар-марли, ил (Къуръан) Къямала бархълли кумеклис гъалабилзан».**

Идбагла ﷺ цархълл хъядислизив бурули саби: **«Хълушазивад бегълла гълхълсигълуна Къуръан дяркъурси ва цархълл илдачи бурсиварибси сай».**

Расуллагълли ﷺ буриб: **«Къуръаннизивад ца хъяралла белчълунсилес ца керо биуси саби, ил биалли 10 кероличив цугси саби. Алиляммиличила ну гълйра викълули ахъенра».**

3) Тавбадирулра. Чевяхъисили ﷻ Къуръаннизив нушази цайнацун ахъен тавба дарахъес хъарбарибси. Чевяхъисини ﷻ иб(мягълна): **«Эй динниччи дирхълути, цахълнарли тавбадарая – ва хълушани талихъл бургидая!».** Цархълл аятлизив Аллагълли ﷻ викълули сай (мягълна): **«Хълушала Аллагъллизи ﷻ хълушала бунагълуначивад чевверхълхъес тиладибарая, гълр гълхти баркъудлумачил тавбадарая!».**

Цархълл аятлизив Аллагълли ﷻ викълули сай (мягълна): **«Эй динниччи дирхълути, уркълли-уркълларад тавбадарая!».**

Ца гъатли аятлизив бурили саби (мягълна): **«Мар-марли, вайси барниличив пашманбиубти ва умути адамти Аллагъллис ﷻ дигахълу».**

Расуллагълли ﷺ бурибси саби: **«Эй адамти, Аллагълла ﷻ гълалар тавбадиреная, мармарли, нунира гъар бархълли дарина тавбадирулра».**

Цархълл хъядислизив Идбаг ﷺ викълули сай: **«Динниччи вирхълуси сунела лагълла тавбаличи Чевяхъисили ﷻ имцълли разили вирар, адамти агарси, урехиласи мерличив берк-бержла духбачилси валри беткахълбси ва гаша убкълули, гълмурулизивад умут бердили ва убкълус или ускаунси илала вегъл чевсаргълбхълели мякълаб баягълли ил валри чебахълхълели разивубхълеличив».**

Хъарахълуд бирар.....



Хъулирти арц чила сари?

Нушазивад гъарилла иш суал алкьуси саби.

Хъули дашути хайрумала черкад мурул-хъунулла ургар гъаман жалти алкьан. Итди яра ишди арцличил пайдалаирес чидилла ихтияр имцалил ца пикриличил бакъес хебирули бирар.

Иш белклизир нушани чула духлар гъаман жалти алкьахъути суалтас лайикъти жавабти дедес къайгъти бирехле. Чис се бетиркуллил белгибирехле.

Рамазан Темирханов

Мурулла хайруми

Къиянна хлекъ, се-биалра бицили дакибти арц яра мурулла цархилти хайруми – сунела сари. Ва илди арцличил чянкьли сайцун вирар пайдалавирес. Я хъунул, я дурхъли, я чи-биалра цархил, илдала вегла ихтияр агарли, пайдалавирес вирус ахлен. Арагъеб хъалибарг бекъахъличил гъеббуцес Шаригъатли муруйчи саби хъарбарис. Мурулличил чебси саби сунела хъалибаргла член-ти хъербиеси мерличил, дусла гъарил манзилличи лайикъти палтарличил ва берк-бержличил гъеббуцес. Илдала даража мурулла лебдешличи мешули ва жамигъатли хъунулла даража хъасибли белгибириси саби. Масайс, эгер сари шери рукъялчи хъунулла къаравашуни лебти биалли, мурулличил чебси саби илис къаравашуни кабатес. Мурулли сунела хъунул цацабехъити цархилти муйланиван бекъахълашал гъерхъеруцили или(илала гъамрулис кьулайдешуни ахлекъахъули, дурхъати палтар ва цархилти секлал исхъейсули или), хъунули ихтияр агара мурулла ихтияр агарли лебдешлицибад се-биалра касес. Кам-гъамти харжанас, гъадатли биубли, ихтияр касес хъажатдеш агара.

Илдигъунтази дуйгъути сари къац, зе, пирхикъуни асес харждирути арц.

Хъунулла хайруми

Хъунулла лебдеш сунелацун саби ва илдачил пайдаларирес ихтияр чянкьли сунезибцун саби лебси. Илала лебдешлизи буйгъуси саби сунела магъарла мас, муруй сунес сари цикирихъели барис савгъат, тухумтани, юлдашунани, тьянишунани илис дедибти савгъатуни, рузули риалли, илабад башуси къиянна хлекъ, дурхъалис гъар базли башуси пособие, дурхъаличи хъеруди биресли лугуси пособие... Хъунул адамлизил ихтияр леб сунела масличил сунес дигъути пайдаларирес. Гъайгъайра, эгер илини ил асубириси секлайс харжбирули риалли. Иличиб чебси ахлен я мурул, я дурхъли, я хъятта сари абикъес. Муруйчи ихтияр агара, илала лебдешличи пайдалавиресцунра ахли, сегъуна-биалра тьяхъарли хъунул илгъуна секлайчи гъарраресра.

Ишгъуна секлайчи пикри бяхъаэс дигъула, хъунули муруйчибад ихтияр сасес чебси хъебиалра, илис ил секлал барахъес маслигътибирули саби. Ил секлал муруллис хъейгъибизес ва ил вачавар-хахъес асубирни багъандан, гурлизир разиагардешуни, къавгъа акъес асубирар, сенахъенну хъуна илгъуна баркъбацлици мурулла хурматхъебирни гъанарули бирар. **Ил багъандан, ахъерти рузби, хъуммартидая, хъунул адамличил Аллагъ ﷻ разивириси иличи сунела мурул разили виалли сай! Камли ахли ишгъуна агилизи биркулира бирар.** Сунела хъалибарг сен-сен биалра къацличил гъеббуцес или мурул адам гъазализивхъели, ил замана хъунули, муруйс кумекбарес имкан лебкъира, дурхъати ваяхъи исули, садакба буртгули, гъегудилис лугули, арц харждирули рирар, ил секлал барес



сунезиб ихтияр лебси саби или, умурирули. Ил баркъуди жагаси ахлен ва сунела мурул дигуси хъунул адамличил гъеч балбикили ахлен.

Цахънабси доход

Мурулла ва хъунулла арцличила нушани гъанна лерил секлал далулра. Амма «цахънарти- дурхъалис лугути – арцличила» суалти алкьули дирар. Дурхънас лугути савгъатуни ва арц – садакба саби ибси масъала ишбархъли нешдешла капиталван ва дурхъли акъубхъели лугути арцван челукъусили бетатурли саби. Хъалибаргла халал сайливан илди мурулла ихтиярличирли сари пайдаладирути.

Мурулра хъунулла декларли биалли ва илдала ургав дурхъли леввиалли

Гъадат сабливан, дурхъли чичил виэс гъагъис ибси суал мурул-хъунул декларбикес сабабти дакълудиубхъелил алкьуси саби. Шаригъатличи дур-русбикахъили, дурхъли урегал дус

виайчи нешличив халавилахъуси сай. Иличи хъерхъеили, ил гъарра шайчивад гъевуцни – дудешла чебла саби. Иличиб чебси саби лерилра чараагати секлал дурхъалис диахъес. Декларрикибси хъунул гъерруцес, декларрикили гъергъи хъабал баз ахли, муруйчиб чебси ахлен. Илди хъабал баз илини хъунул гъар секлайчил гъерруцуси сари, сунечил пархли хъеррирули лералхъеливан – хъерриэси мерличил, палтар-къашличил, берк-бержличил. Амма гъаларла хъунули-зиб сунела гъалавла муруйчибад дурхъли хъервирни багъандан багъа гъалабаресцун саби ихтияр лебси. Дурхъли урегал дус виубхъели илис сунес чичил хъериз дигулил белгибар-рахъес ихтияр луга. Эгер гъаларла хъунул цархиллис шери рукъялли, яра цархил шагъарлизи, сунела гъалавла мурулла ва дурхълиа дудешла шагъар-личирад гъархъли хъериалра, хъерриэс аррукъялли, дурхъли вихъес ихтияр дудешличи шурбулхъуси саби.

Се бириси, барисси хъалис мархъейалли?

Ишхъелла замана цацабехъитани, селичибли таман-бирарал пикрилра хъебухъти, хъяла дугъби дуру, гур, илди дуи, бареси хъебалули кавлан. Хъера, иш статъа белкьахъесра ил далил сабаб биуб.

Сайфутдин Атабаев

Аллагъла ﷻ уличил яра Илала сегъуна-билра даража гъанбушили бедибси ахли, цархил сегъуналра хъя гъарли-марсилли халбириси ахлен. Масала, «Мусни-зубрала Вегъличили хъя бирулра, дила уркъли Сунела арилизи буцибсилличибли хъя бирулра». Илкъяйдали, хъя барес ихтияр леб Аллагъ ﷻ гъаниркахъути къиликъуни гъандушили: «Уркъейли Вегъличили хъя бирулра, Хуржамличибли хъя бирулра». Хъя гъарли-марсилли буйгъуси саби Аллагъличиван ﷻ цархилгачи къачдилкути лишан-ти ахъили бариссира, масала, «балуси», «мищирси» ва цархилти, эгер илди Аллагъ ﷻ гъаниркахъули дурибти диалли. Эгер адамли «Къуръайчи, Тораличи, яра Инжилличи хъя бирулра» алли, ил хъя гъарли-марсилли халбириси саби. Аллагъла ﷻ ва Илала даража гъандушили ахли, чи-биалра яра се-биалра, масала, Къагъба, Идбагъ ﷻ, гъандикахъили хъя барес сеналра асукъебирар. Расуллагъли ﷺ бурибси саби: «Мар-марли, Чевяхъисили хъушаб хъушала бегъти гъанбикахъили хъя бирахъес къадагъабирули саби. Бирисини Аллагъла ﷻ у гъанбикахъилицун хъя бараб, яра лехъкахъили уаб» (Джамгъул-ахъадис 7352). Эгер адамли, сунесра гъанарли, ихтилатлизир хъяла дугъби дуралли, ил хъялизи халбириси ахлен. Сенкълун Чевяхъиси викълуси сай: «Аллагъли хъуша жавабличил дитхъейкълура къас-къасли хъебарисси хъя багъандан» (сура «аль-Бакъара», аят 225).

Исламлизил хъя барахъес маслигътибирули ахлен. Амма хъя хъебарили гъамал бетхъерути анцълукъунира къаршидикур – Вагайс мардеш-лис, селичи-биалра гъахъдешличи гъервириси, судличил бириси ва цархилти... Имам аш-Шафигъи викълусири сунени гъамрулизил гъачамалра я хъекъси я къянала хъя барисси ахлен или.



Лерти авалра мазгъаблизил къянала хъя хъарам-силли халбириси саби. Ибн Хъаджар аль-Гъайтами, имам аз-Загъаби, имам ан-Навави ва илдигъунти машгъурти цархилти гъалимтани фетва(хъукму) дурасиб, сунезибра къянала хъя халати(декълти) буна-

гъунала даражабазли кабурухъуси саби или буриси. Хъя се тьяхъарли буаллира, халаси гъакъа (каффарат) чебирхъуси саби. Хъя буунсилличиб вецал мискин адамлис ца мудда (600 граммличи цугъси диштгати къякърала умцла) хъясилли илди мер-мусаличиб хъербирути адамтани имцали пайдаладирути журала ризкъи дугъес, яра палтарлизибад се-биалра (шалбар, хъева, клана, цархилти...) дедес чебси саби. Ил барес имканагарсилличи хъабал бархъли дубуцес чебси саби. Хъабалра дубуцари гъаб-гъергъили дуцахъес чеблибирисси ахлен. Эгер чили-биалра се-биалра вегъличи чараагарли хъарси секлал бархъбатес или, яра къадагъабируси секлал баресли, масала, держла хъебержес хъя баралли, ил барисси халаси бунагълизи виркур ва ил хъя буунсилли халбириси саби, сенахъенну илдигъунти баркъуддуми Шаригъатлизир сеннира къадагъа-дрибти сари. Эгер адамли гъахъил чедиахъути, масала ратибатун(чараагати дехъибайс гъалар ва (яра) илдас гъергъи дирути ва сай гъахъулати дехъибала) дарес яра хъейгеси тьяхъарли (къантгити дулгъубачил) дехъибала дарес хъя баралли, илгъуна хъя буъни гъахъил саби. Эгер илини асубириси секлал бархъба-тес хъя барили виалли, ва ил сунечилуни къячбилку-ли биалли, хъя хъебуъни гъалаб чебиули саби. Хъя-ли чис-биалра зарал лебхули биалли, масала илини сунела бегъгачи, тухумгачи, юлдашуначи хъевкъес или хъя барили виалли, илгъуна хъя буэс гъагъис саби. Сенкълун Идбагъли ﷻ бурибси саби: «Селис-би-алра хъя барили, илис гъергъи цархил секлал гъахъил чебаибсилли, сунела хъя буи, буунси хъя багъандан каффарат бедаб» (Муслим 4360). Аллагъли нуша нехъакълати ва къянала хъямазирад дерцахъаб! Амин.

ДЕХИБАЙС УЖРА

Дархъли, дурусли – къабулдаресли дарибти дехибайс Аллагъли глеббиахъуси халаси ужраличила бурути дахъал хиядисунани бусурманти уркъичеббихъули саби:

Ибрагим Ибрагимов

1. Мухъяммаддира илала умматдира дарибти савлила дехиба 2 ракагъат багъандан ил бархилара ил дугилара бунагъуначивад Ну чевурхус.
 2. Авцъали бархили жамигъатла савлила дехибала дарибси Аллагъли кел секлайзивад урцахъу:
 - 1) *жагъанабла цализивад;*
 - 2) *клияхъляндешлизивад (мунатикъдеш).*
 3. Херейсла дехибала дарибсиле Аллагъли жагъанабла цъа хиярамбиру.
 4. Херела гьегъила (гаср) дехибала дарибси Аллагъли бунагъуначивад умуиру.
 5. Бархехъла дехибала дарибсини Аллагълизи се тиладибаралра, ил бетур-хахъу.
 6. Дугелила дехибала дарибсиле Аллагъли жагъанабла цъа хиярамбиру ва илис Сиратла гуми ахъахъес нур пешкешдиру.
- Амма дехибала чедетаахъили дирусиле халаси ужраван дехибала чедихъиртли детурхахъусиле Аллагъли халаси танбихъир глеббиахъуси саби. Масала, иличила бурили саб ил къуръа “Магъун” (садакъа) бикъуси сурала 107 аятлизиб. Идбагла хиядиси буруливан, чедихъиртли дехибайзибад Аллагъли дурусси бутлапун саби къабулбируси. Дуббуцарла Рамазан базла дехиба дурхъадешличила хиядиси: бурули саби: “*Хушазивад цъа Рамазан базлизиб чевсаргъибхели, ва сунела бурушлизив цъа шайчивад итил шайчи шурухъунхели, малайк илизи виклар: Аизи. Ху Аллагъли мубараквараби ва хели уркецибараб.* Дехибала дарес къасличил ил айзурхели, илала буруш тилади-булхъан: “*Я Аллагъ, пешкешбара илис чебяхъиси буруш*”.
- Илини сунела палтар челгъухели, Аллагълизи палтар тиладидулхъан: “*Я Аллагъ, илис гъалжанала палтар пешкешдара*”.
- Чегурхели, дабрира тиладидулхъан: “*Я Аллагъ, Сиратла гумилчир илала келра къяхъи чумадара*”.
- Ил тиялхъаналичи ветаибхели, тиялхъанара бусравбулхъан: “*Я Аллагъ, савгъатдара илис гъалжанала пигълуми*”.
- Дазала дарибхели, шинни тиладибиру: “*Я Аллагъ, умуара ил бунагъуначивад балагъуначивадра*”.
- Дехибала дарес айзурхели, хъали дугъабилзан: “*Я Аллагъ, илала хияб бягъура шалара бара*”.
- Херилзан Гъар Секлайчи Сунела. Ахъри чебетиси Аллагъ иличи сунела Чевяхъидешличил ва виклар: “*Я дила лагъ! Хед дугъаличил дугъилзес - Нушаб жаваб лугес. Хушаб бунагъуначивад чеврехъес тиладидикъес - Нушаб хушала бунагъуначивад черджерхес*”.
- Ташмишдеш агарли, ил халаси ужра саби. Дехибай диштати бунагъуни ицу, амма халата бунагъуни: **адам кавшни, ширк, къехъбадеш (зина), сихъру ва ц.** – хейцу. Хиядиси бурни хиясбли, **бержибсила авцъали бархила дехибала къабулдирути ахен.**
- Дехиба дучуатазив хатлахъеркули виалли, бержилра или, дехибала хедарили уркадатесра гъеч асухебирар.

Вакъфула мягъна ва хияккъат

(Бехъихъуд – арбяхъунси номерлизиб)

Вакъфулис аманатбируси лебдешла шуртгъи

1. Вакъфулис аманатбируси секлал беклахъудилизиб пайдалабарес виэси бизэс гъягъиниси саби, асубируси ахен хайри кайсуси секлал вакъфу бетхлеахъурли, вакъфулис хайрицун пайдалабарес. Ва деклардеш агара вакъфули заманалис хайри бедили биалра, масала, вакъфули сунела хъулив цъа дус хервариб виалра яра даимлис. Илкъяйдали вакъфу бетэс хебирар вакъфулис аманат барибси секлал белгибарили хебиалли. Масала, кел юртла вегъли цъа юрт вакъфулис бедес пикрибарилихъар чиди юрт бедлугисил белгихебаралли ил вакъфу бетаруси ахен.

Мухъяммад-Амин Мухъяммадрасулов

2. Вакъфулис аманатбируси секлал вакъфу алкъахъусила лебдешлизиб бизэс гъягъиниси саби, илкъяйдали илини хайри бихесра гъягъиниси саби. Эгер чили биалра сунела ахенси секлал вакъфулис бедалли, илгъуна вакъфу бетхлеурсиле халбируси саби. Адамли сай вакъфулис ведес асубируси ахен, сенахенну илала гъямру сунела ихтиярлизирти ахенну, илди Аллагъла ихтиярлизирти сари. Тяп илкъяйдали вакъфулис бедес вируси ахен мицъирагла канилабси дурхъа, саби мицъираг вакъфулис бедили хебиалли. Гъалар нушани бурра вакъфула лебдеш хайричехъси, чис биалра гъяхъидеш бихуси бизэс гъягъиниси саби или. Масайс, белгъес яра се биалра гъашбатес пайда агарси ванза, яра бурдихъи зибкънадбикъиси палтар вакъфулис бедилихъар, илгъуна вакъфу гъарли-марсиле халбируси ахен.

3. Вакъфула лебдешлизибад башуси хайри бухъянси заманала бизэс гъягъиниси саби. Масала, беркала яра, иличи мешули, саби каберхъиличилицун пайда лугуси лебдешлизибад вакъфу бирес асухебирар. Бухъянси замана ибхели даимлис ибси ахенну, саби ижаралис бедес виэси манзил бизэс гъягъиниси саби. Масала, эгер вакъфулис машина яра мицъираг бедалли илгъуна вакъфу гъарли-марсиле буйгъуси саби, машинализивад лябкъуси хайри даимси хебиалра, сенгъун ил бячес асубируси саби. Тяп илкъяйдали саби мицъирагла чебкадра. Вакъфула лебдешли саби вакъфулис бедибхейчибадал хайри бихни чараагарси шартли ахен. Вакъфу гъарли-марсиле халбируси саби хиятта илини челябкъализиб хайри лебхуси хебиалра, масайс, эгер биштгъиси мицъираг вакъфулис бедаллира ил гъарли-марсиле халбируси саби. Сенахенну челябкъализиб ил мицъирагли хайри лебху.

4. Вакъфула ваяхъли бихуси хайри асубирусиле халбируси саби эгер чили-биалра сунезивад лябкъуси хайри шаригъятли къадагъабируси лебдеш вакъфулис бедалли, масайс, музыкала гъягъинахълуми, илгъуна вакъфу гъарли-марси ахен. Мас-мулкла вакъфу Бусурмантала праволчил дурусли, мас-мулкличил вакъфу барес ихтияр бируси саби, масала, **вакъфулис бедес вирар ванза, юрт, тукен, гъиниз**

– **чузибад пайда касес вирусиле лебалцадхъи.** Мас-мулкла вакъфу законна шайчиб асубирниле иргъахъули саби къуръанни ва Идбагла Суннали, илкъяйдали Идбагла балликъянабала баркъудлумани. Нушани чедир гъандушира Идбагла валликъяна Жабирла дугъби: “*Идбагла цалра валикъяна агара сунела сегъуна биалра имкан лебли вакъфу хебарибси*”. Имам аш-Шафигъили иб: “*Нуни балули, 80 ансарли (Маднализиб хербиранти) вакъфу бариб*”. Ашкарливан илдани вакъфу бирусире ванзала, юртла ва гъинизла. Ита-иша духес вирусиле ваяхъла вакъфу. Мас-мулкла вакъфу къяйдали ита-иша дихес вирусиле ваяхълара вакъфу цагъуна саби. Масала, мицъирагла, машинтала, ярагъла, палтарла,

дугъби диез гъягъиниси ахен. Масала, вакъфу алкъахъусили (учредительли) «Нуни, мутагъаллимтази динна багъудлуми касахъес багъандан, дила юрт цъа дуслис вакъфу бирулра» или буралли, ил вакъфу гъарли-марси ахен. Сенахенну вакъфу сегъуна-биалра манзилла бухъна кабатес асубируси ахен, ил даимси бизэс гъягъиниси саби. Биалра, илгъуна къяйдализи кахъедурхути далилти-ра лер: мижит, дехибала дирути хъулри, хиябрас чебаахъибси мер, цархилти. Эгер чили биалра сунела ванзала бутла дуслу бухънаб мижит гъашбатахъес багъандан вакъфу бирулра или буралли, вакъфу гъарли-марсиле халбируси саби, чебаахъибси манзил биалли уббирхъуси саби.



уче-бушла гъягъинахълумала, гъалхъянала, хайричехъси литература-ла. Илгъуна вакъфу законна шайчир бикъридеш дирути далилти сари Расулуллагъла хиядиси. Илцазибад цализиб бурули саби: “*Чевяхъисиличи ва Илала чеаслумахи вирхули, [уркли-урклилабад гъарил гъяхъидеш багъандан кери сархни] сунела ябу вакъфули бетэахъали, илала белкъундеш, шинни буржибдеш, дек ва жихъи къямала бархили умцути сари*» (аль-Бухари 2698).

«Сахъихъ аль-Бухари» жузлизибадси цархил хиядисилизиб бурили саби: “*Хушани Халид къакъаварилпрая [ил закат бедес гелумилзули сай или], илиникъун сунела мегъла хлева ва ярагъ] вакъфулис дедиб*» (аль-Бухари 1399).

Се мурадлис пайдалабарес гъягъини-сил бурусиле белки (формулировка).

1) Се-биалра вакъфу барес дигусили сунени села вакъфу бирулил иргъахъути дугъби дурус гъягъиниси сари. Тилхъавсили (гъайикъес хебалусили), вакъфу барес багъандан, сунела къасаначила белкличил багъахъес чебси саби.

2) Илала гъягъилизиб вакъфу сецад манзиллис бирусиле иргъахъути

3) **Формулирокализеб чараагарли гъанбушес чебиркур вакъфу се мурадлис бирусиле.** Эгер чиянкъили вакъфу бирулра или бурили, се мурадлис бирулил хебуралли, лебдеш селис пайдалабарусиле белгили хебибъни багъандан, илгъуна вакъфу гъарли-марсиле халбируси ахен.

4) Вакъфу сегъуна-биалра шартличил бархбалсахъес асухебирар. Масала, «Нуни дила юрт мискин-тас вакъфулис лугулра, эгер набчи Гъяхъмад вакъали» или буралли, ил вакъфулизи буйгъуси ахен.

5) Гъачам барибси вакъфу уббяхъес вирусиле ахен. Или ибси вакъфулис вачар-чакарлизибван шартли кабалтес асубируси ахен ибси саби. Секлал исусилизиб, сунес ил гъяхъибезалли, хиябал бархила ухънав, арцра чардардарахъили, илизивад гелумизес ихтияр леб. Илкъяйдали масла вегълизибра сунени бицибси чарбарахъес ихтияр леб. Вакъфулизиб биалли илгъуна секлал асубируси ахен. Вакъфу бирухели илгъуна шартли кабатни-ли, ил пашихъахъу.

Чевяхъисили нушаб имканти габ, Аллагъла гъуйчиб се-биалра харжбарахъили вакъфу барахъес.

Къабулдарибти балгнала дигяндешуни

1 «Амма сеннира нушала балга нехІекъласи ахІен ва ил пикрила дураб кавлуси ахІен. Эгер илкъяйдали нушала балгалис жаваб хІегаллира, ЧевяхІсилли нусаба кери биакъу, нушани Сунези иш дунъяличиб тиладибарни багъандан. СенахІенну, балга – Гібадат (ЧевяхІсилли суждабарни) саби.

«Балга» ибси се ибси?

«Балга» ибси дев баянбирули, Аль-Хаттабили буриб: «Балга» ибси девла мягІна – ЧевяхІсилли вегІличила къайгы ва кумек тиладибарни саби. Балгала хІекъдеш биалли ЧевяхІсилли вегІла хІяжатдеш лебни, вегІ цакълизивад ва къуватлизивад умумарни (или ибси, се-биалра гІяхІси секІал барес гьунар агниличи яра се-биалра убяхІси гІелаб калахъес хІейриличи мукІурвакІни ибси саби), ил лагъдешла лишан, ва сунела гьунар агниличила балахъни, илкъяйдали ЧевяхІсилли деза барни ва Илала сахаватдешличила аргъни саби». ЧевяхІсилли бурибси саби: «Ну гъаниркахъабая (дехІибала ва балгни дирули) ва Нуни хІушачилара хьумхертис» (сура «Аль-Бақъара», аят 152). ЦархІил аятлизиб ЧевяхІсилли бурибси саби (мягІна): «Марлира, Аллагъ имцІали гъаниркахъути бусурмантачивад Аллагъ чевкархар ва илдас шабагъат хІядурбиру» (сура «Аль-АхІзаб», аят 35). ЦагъатІи аятлизиб Аллагъли бурули сай (мягІна): «ХІушала Аллагъ хІушани уркі-уркілавад, мукІурдешличил ва урехиличил, гІярчуІуназив ва бархІехъуназив гІяшли гъаниркахъес хьуммартидая» (сура «Аль-АгІраф», аят 202).

Къуръайзиб ва хІядисуназиб балгаличила се бурули?

Къуръаннизиб ЧевяхІсилли бурибси саби (мягІна): «Эгер хІези (ва МахІаммад), дила лугърани Набчила хъарбаалли, Ну илдас гъамлира, ил Набчи дугъилзули виалли, тиладиикІусила балгалис жаваб лугула. ХІебиалли илди (Дила лугъри) Набзи тиладибикІаб ва Набчи бирхес даимбираб, илхІели илди бархъси гъуйчиб бирар» (сура «Аль-Бақъара», аят 186). ЧевяхІсилли Къуръайзиб бурули саби (мягІна): «Аллагълизи тиладидикІеная, хІушаб Сунела сахаватдешлизибад шабагъат гахъес. Марлира, Аллагъли гъар секІайчила (илдала лугІилизиб хІушала тиладибачилара) балуси Сай» (сура «Ан-Ниса», аят 32). Расуллагъли бурибси саби: «Балга - вирхусила ярагъ, динна къакъбяхъ ва зубрала ва муснала шала саби» («ЖамигІул-АхІадис», 12, 408).

Балга къабулбирнилис багаладирути адабуни ва сабабти:

- 1) Аллагъ уркі-уркілавад гъаниркахъни;
- 2) Къасчевли балгабирни ва ил къабулбирниличи чІумали вирхни;
- 3) Балга бирухІели чекайзни ва аги-къайда

- къалабахІедарни;
- 4) Балга бирухІели мукІурдеш дакІударни;
- 5) ЧевяхІсилли разихІелира децІлизивхІелира балга бирни;
- 6) Балга цархІилтани бакъесли, амма вав-чІярхІейкІули бирни;
- 7) Чис-биалра яра селис биалра вайбарес тилади агни;
- 8) ВегІла бунагъуначи мукІурвакІни ва илдачивад чевверхни тиладибарни;
- 9) Аллагъли нусаба гитти лигІматуни къабулдарни ва ил багъандан Илис деза ва балгни дарни;
- 10) Лерилра чеблума чардарни ва илдас тавбадарни;
- 11) ЧевяхІсилли гъарил секІал хІяйна тиладибарни;
- 12) Балга бирухІели КягІбаличи вяхІчили калзни;
- 13) Някъби ахъдуци;
- 14) Гъала-гъала вегІли, гІур цархІилтас секІал тиладибарни;



- 15) ЧевяхІсилли Илала пергерти умачил ва сипатуначил яра гІяхІти баркъудумачил тиладибарни;
- 16) ТиладиикІусила палтар, берк-берж хІялалли дикахъибти диъни;
- 17) Бунагъ баэсилличила яра тухумдешла бархбасуни къябудахъниличила тиладихІебарни;
- 18) Асубирусила дазурбала дурахІевхъни (масала, Аллагълизи Идбаг ветаахъаба или тиладихІейкІни);
- 19) Керила баркъуди баресли ва къадагъала секІайзибад цархІилти мяхІкамбарни;
- 20) Лерилра хІярамти секІайзивад гІелумилзни.

ЧевяхІсилли балга къабулбируси манзил, шуртІри ва мер-муса:

- 1) «Лайла-туль-къадрала» дуги дурабуркІуси балга;
- 2) Дугила хІябал бутІала бегІла гІергъиси манзил барибси балга;

- 3) Гъар бархІила чараагати шудехІ дехІибала дарибмад;
 - 4) Азаннара икъаматлара ургаб;
 - 5) Забли ургъухІели;
 - 6) Бусурмантала ва бусурманти ахІентала дявтала замана къяяни цаличил ца къаршидирукхІели;
 - 7) Зам-замла шин дужуси замана, илхІелира уркі-уркіларадти къасани лердиалли;
 - 8) Сужда бируси замана;
 - 9) Дай дуги чеваргъибхІели;
 - 10) Дугели чарх умубарили кайхъи, гІур баягъи ил багъандан айзурли ЧевяхІсилли тиладиухъунхІели;
 - 11) Балга бирухІели иш гІергъиси балга бирес: «Ла илагъа илла анта субхІянака инни кунту мина-залимин» (ХІу ахІи, цархІил суждабареси Аллагъ агара, лерилра лайикъагати секІайзивад ХІу умулири. Мармарли, нуни ну къакъавирула (бунагъуни дирули);
 - 12) Вирхуси адам вебкІили гІергъи адамтани бируси балга;
 - 13) Идбаглис салават барили гІергъи бегІла гІергъиси ташагъудлизиб (ат-тахІият) бируси балга;
 - 14) Ца бусурманна цархІиллис бируси балга (ил мякълав агархІели);
 - 15) Парафала дубурличиб Гъарафала бархІи (Зуль-хиджа базла вецІибил бархІи) барибси балга;
 - 16) Рамазан базлизиб барибси балга;
 - 17) ЧевяхІси гъаникахъес багъандан бусурмантала мажлисла (зикру) замана барибси балга;
 - 18) Сегъуна-биалра децІла анцІубукъ биубси замана «Инна лилагъи ва инна илайгъи ар-ражигІуна, алагъумма угІджурни фи мусибати вагълюфли хайран мингъа» (Мармарли, нуша лерилра Аллагъли акІахъубтира ва Иличи чардулхъутира. Я, Аллагъ, нушачи бакІибси децІ багъандан набчи уркіецибара ва дила бетакъри гъатІира гІяхІси секІайчил чебицахъа;
 - 19) Сунес зулму бируси адамла зулмукарличи бяхІчаили бируси балга;
 - 20) БегІтани чула дурхІнас бируси балга, вайси биалра гІяхІси биалра;
 - 21) Гъункъяла балга;
 - 22) Дубуцибили сай дубкавцайчи барибси балга;
 - 23) Дубуцибили дубкалтухІели барибси балга;
 - 24) Сунес дебали къяндикіхІели адамли бируси балга;
 - 25) Улкала хІялалси пачяхІли бируси балга;
 - 26) ГІяхІси дурхІяли сунела бегІтас бируси балга;
 - 27) Чарх умубарили гІергъи барибси балга;
 - 28) (ХІяж бируси замана) къаркъуби игъубли гІергъи барибси балга;
 - 29) КягІбала бухІнаб барибси балга;
 - 30) Сафала дубурличиб барибси балга.
- ЧевяхІсилли нуша – гъарилла балга къабулбараб, нушаб кери баахъаб ва нушала уркібазу нушазирад Сунени дакъес дигути дугъби хъурадараб. Даширая нуша балгаличил ярагъладирехІе ва нушани, нушала дин Исламла душмантазибад ва илди гІеббурцуси иблислизибад мяхІкамбирехІе! Амин.

Аллагъла къанунти хІясибли пикрихІебикІутачила

1 «Эгер адам Аллагъли бархъибсилличи дурусли пикриикІули хІейалли, илхІелира къадагъаб бируси секІал сунени бирниличи умутчевли виалли, ил капур ахІенну, бусурмантала ургав бунагъкар сай. Ил багъандан, ЧевяхІсилла ари хІясибли, илис танбихІ баресра асубирар, иличивад чевверхесра». Ибн Гяббасли сунени дархъибтазибад цализи белкІи саби: «Аллагъли бархъибсилличи дурусли пикрихІейкІусила баркъудлума капурла баркъудлумачи мешути сари...»

Тавусли ва цархІилтани иб: «Аллагъла законтачи балхІебикибси суд – адам миллализивад дурауршуси куфр ахІен, амма декІси бунагъ(куфрундунакуфр) саби». Амма мурталра илкъяйдали биэс хІебирар. Ил Аллагъла Законнизи халбирули, адам сунела адамласи закон хІясибли пикриикІули виалли, нушани илизиб Аллагъли бархъибси барсбарес вализни чебиулра, ва илгъуна баркъудили чараагарли куфрличи арку. Эгер адам, сунела варскадешли, Аллагъли бархъибси хІясибли ахІи, адамласи закон хІясибли пикриикІули виалли (илхІелира – сунела баркъудлума хІялалтази халдирули), ил бунагъ саби, ва



Ахлю-с-Суннала динна хъулначи дурусли, Аллагъ илала бунагъуначивад чекерхесра асубирар. **Аль-Кушайрили иб: «Хавариджунала мазгаб ишгъуна саби: рушбат сасили, Аллагъла Закон хІясибли ахІи, цархІил тяхІарли суд бирес вехІхъалли, ил**

капур сай. Ил тикри аль-ХІясаннара ас-Судилара саби бикІутира леб...»

«Аллагъли бархъибсилличи дурусли суд хІебирути адамти – хІебирхути саби», – ибти дугъби Муджагъидли ишкъайда баяндирули сари: «Аллагъла Жузлгичи лехІхІехъили, Аллагъли бархъибсилличи дурусли пикрихІейкІуси – капурра, бархъдеш агарси зулмукарра, бунагъкарра сай». «Аль-Мустадраклизив» Аль-ХІякимли ва «Ас-Сунанлизиб» Аль-Байгъакъини илди аятунала хІекълизир ибну Гяббасла ишдигъунти багъахъниби гъандуршули сари(сарира аль-ХІякимли гъарли-мартази халдирибти, имам аз-Заби иличил къабуликибти): «Ил Исламлизивад адам дурауршуси куфр ахІен. «Аллагъли бархъибсилличи дурусли суд хІебирути адамти – хІебирхути саби», – ибти Аллагъла дугъбазир «куфрун»(хІебирхути) халаси бунагъличила сари гъай». Агълю-суннала гІялимтани дурибти чедир гъандушибти дугъбани иргъахъули саби, Аллагъла Закон хІясибли, ил инкарбирули, пикрихІейкІусилизивад (муртадлизивад), ил асубирнилизиди халхІебирули, сунени халаси бунагъласи баркъуди бирули биъниличилара балули, адамлати закони хІясибли пикриикІуси декІарварес гІягІили биъни.

Тикрардиклүти балагъуни

ИСТОРИЯЛА БАЯНТИ

НАТО – се саби ил?!

Тиран-зулмукар... Чи сая ил ?!

Сен сабемцүрлил НАТО, сен кахсил илала «даршудеш биханна» кумек, сен зугъатил – къуткъутил илини лайдиклүти бомбалала асурти... Сен гъаб-ггергъидешличил чердиркүлли илдани чула хиллуртас гярабла улкни?!

Нурулгъуда Ражабова

Хера, хила хлуркбидра кадухъахъи харабдешуназира геладушиб илдани Афганистан, Иракъ, ярга баиб Ливияличира.

Улкалис 22 дус бекдеш дарибси Садам Хусейн, Сагал дусра бусурман динна агъула Къурбан байрамра дархидикити дуги-хлерилив чевяхкахъили, ламухъия лерси цалра адам аварагарли я паргъатли хлетур ил анцбукъли. Ил кахси хлекъдешра, жанивардешла баркъудира сабри. Кабушиб «даршудеш балтахантани» жагати зантти илала дурхнира. Телевизорличиб ил анцбукъ чебаибси итхели дила чумал суал аклүбтири: **«Чи сая ишав тиран-зулмукар? Чи сая ишав уркелци-ряхлму агар? «Зулмукар Хусейнни» Иракъла халкълис илцад харабдешунира биса-ясра хибти яра «уркелцила» ООН-лив, НАТО-лив?»**

Тамаша! Итхели Бушанала хяздурхун Иракъла набт-бензинничи ва хабар дураиб илар къадагъадарибти ярагъ лер ибси. Хейгукъира уктемси Хусейнни ихтияр бариб дунгъала улкнала вакилти кабурхуси комиссияли Иракълизиб ахтарди дураберкахъес. Комиссия хебаибси цалра мягъничебси объект кахелун, амма химияла ярагъла глемра хебаргиб. Бушанас авара аги илар илди лерни-агнила – илди чула къасаназибад гелумхлебизур. Ванзаличибад, урхъначибад, закибад ила халаси дявила цакъ бяхичиайб. Улка убил-чебариб. Зулмуртира, биса-ясра, харабдешла асуртира гъаннара даимдиубли сари. Саддам Хусейн биалли, душмантас муклүхлекили, залумли кайзурили, игитван алхун. Западла зулмукартас дигули ахлен чус къаршидеш дагъахъес вирус чумаси улкала хляким. Хаслира Пярабла улкназив. Илди чина-игара биули саби духу си, цакъси, къуватси адам левси мер-муса цализира хилизира геладушес.

Тамаша! Дунгъала жамигъат-ургав Бушанала, НАТОла гяскуртала баркъудлумас лайикъси къимат лугуси, илдази гашдизирая эсил айхъули ахлен. Ишав глурра бархъси суал алкүли саби –чи сая ишав зулмукар? Чула зарулти имцатив?

Чум дуса гъанна **Афганистан** США-ла гъяжлиуб. Ила бомбачилра цаличилра Бен-Ладен варгес или сабри музабухъунти. Илраклун СССР-личи къаршили ургъахъес къасли, доллартачил глеббудибси ва чули бахунси гула сабри. Дягъ бягунсили бурям сарху биклүливан, чули дедибти ярагъ чучи къаршили пайдаладариб. Гъанбиркахъеле 2001 ибил дусла сентябрьла 11, зубрази чиклдитунти клел юрт-клалгя харабдарибти анцбукъуни. Ил хилла дураберкнилис гяйиблаварибси Бен-Ладен варгес умцантала дарили, Афганистан палакатбариб.

Гъанна... Ливия

Илалара тикрарбиубси тамашала къисмат. Западла политикала ва дявила шайчибси гъяжлиур гъунарагартили дегурти исламла улкнала къянази кабурхули саби Ливияра. Ишавра леври Западла улкнас муклүрхейкүси, улкалис 40 дус бекдеш дарибси, Джамахерияла гъавкъяна Муаммар Каддафи. НАТОла хябирхъли ветурси. Палакатбариб илини илала ва улкала къисмат.

Дургъбани белгибиру игитунира вершабира.

Историяла баянти. 1911 ибил дуслизиб Ливия буцес къасбарибси Италия чумати къаршидешличил бяхлягибсири. Италияла гъармукартас къаршидешла хяракатлис бекдеш дирусири Пумар ал-Мухтарли. Динна шайчир мурхъти багъудлуми касибси илала къас сабри адамти исламла багъудлума бегъбахъес, илди бучахъес, даршуси бузерилизи ахъахъес.

Амма илис чебуркъубсири някълизи ярагъра касили, Ливияла халкъ багъанданси хяракатлис бекдеш дарес.

Пумар ал-Мухтар (1861-1931д.)

Къияниси агилчи ва душмантала цакъ дахъналли имцаси биъниличи хлрхелили, илис имканбаклибсири 1929 ибил дуслизиб Италияла веглбеклүни переговортачи къабулбикахъес. Амма ал-Мухтар илдани гъаладирхъути инсапагарти шуртлрачи къабуликибси ахленри ва 1930 ибил дуслизир дургъби даимдиубтири. Пумар ал-Мухтар



сунела камти бургъантачил Италияла танкабачил, самолетуначил, декиси техникаличил глеббудибси армияличи къаршили ургъусири. Амма душмантала къуватси техникаличиб Пумар ал-Мухтарла бирхауди чедиркулри. «Авлахъла арслан-къаплантала –(или биклүтири илдас) гъяжлиур дахъал дехахълуми дирулри душмантала. Сунела цакъани ахлрехлдарили ургъусири ил. Амма 1931 ибил дусла сентябрьла 11-личив 70 дусла гямруличивси ил ясируцибсири.

Душмантани ил чучил баришиахъес дахъал тыхлурти далдуциб биалра ил клантлхлеклиб. Гъачам Италияла офицерли илизи суал бедиб: **«Хлүни балулрив хлечи бекла хлери биъни?»** – Ге, балулра. – **Хлела глямрула ахир илгъуна биънили хлү наб язихилзулри?»** – Илгъуна ахир бирниличи ну разилра, – жаваб бедиб Пумар ал-Мухтарли.

Пур илдани илизи иб: – **Хлела бургъантази буйрухъбара нушачи къаршили хлербургъахъес, илхели нушани азадвалтари. Белклен халкъличи къаршидешла хяракат гашаахъес ибси кагъар. Хлү паргъатли валтари.** Илдас Пумар ал-Мухтарла жаваб:–**Лерилра дила глямрулизиб, Сунес сужда барес лайикъси ца Аллагъ ахленси цархил аллагъ агарси сай, Мухлямад илала расул сай или бикъридеш дирули ахъбурцуси тлүлли муртклал илдигъунти къянала дацти гъай хлелүкла.** Чевяхкахъес ибси хлүкмура барили, илизи вебкес гъалаб се бурес дигахъади ибхели, илини иб: **«Нуша лерилра Аллагъли аклахъубтира, иличи чарра дулхъубтира».** 1931 ибил дусла сентябрьла 16-личив чевяхкахъибси Пумар ал-Мухтар шагъид сайри. Илала гъабзадеш Ливияла халкълис даимлис гибратли дегур. Иличила хъумуртуси ахленри ва илала мурталра халаси хлурмат бирусири **Муаммар Каддафинира.**

Сунела харжаначил илини 1981 ибил дуслизиб «Авлахъла арслан-къапланти» биклүси фильма бархли касакъибсири Пумар ал-Мухтарличила. Илала хлурмат бирнилис ца гъатли мисал: 2009 ибил дуслизив Италиязлизи вькъунхели, полковник Каддафила палтарличи Пумар ал-Мухтарла суррат баршилри. Цацабехлгани чучив дукарирхлини (провакация) сабливан къабулбарибтири ил баркъуди. Ил шайчиб илизи бедибси суайс Каддафини жаваб чарбатурсири:

–Пумар ал-Мухтар гязабверкили кавшибсири, ил сунела улкала азадеш ва хъархлрагардеш багъандан ургъули кали багъандан. Ил багъандан лайикъли саби илала сурач нушачил бар бихесра. Сунела улкала ва халкъла гъарли-марси патриот

сайлин Каддафини сунела улкала халкъ мурталра глеббурцусири. Бусурмантала дахъал улкнасра кумек бирусири. Ил уруклүси ахленри бархъдеш дяхл-дяхли бурес. Илини цархилити улкни-ургабра сунела улкала хлурмат ахъбуциб. Гъачам, Италияла премьер-министр Силвиу Берлусконили, илала хлурмат бирули Каддафила някъ бархли байбариб. Видеокамерабани касибси ил арагъб дунгъала халкъли чебаибсири. Итхели Пумар ал-Мухтарличиван халкъ берцахъес алаваклибси Каддафичира гяяр бехлихъиб Западла халахартани. Илдала гъир-кусла асарлиуб, камгъамти ливияланти –вершаби хяракатлизи ахъиб улкала бухлнала бижгахъес. Вершабани хъумартур Пумар ал-Мухтарла историяличила ва узини узи каршнила дявти адикъахъес урхлис икъалабиуб. Чула улкалис вершадеш дарахъес ва чула лебдешла ари урхлизи буцахъес илдас имкантира дедиб. Ливияла халкъ къаркъси къисматла бетаур. Дунгъала клиибти дургъбала дусмазиб ибкети дургъбала майданни бетаурсири.

1943 ибил дуслизиб союзникунала гяскуртала аккупацияла арилиуб бетаур. Амма илабти халкъ чисалра муклүрбаклибти ахленри. Дахъал къиянтазиб дебшлабиубси Ливияла улкали 1951 ибил дуслизиб хъархлрагардеш сархибсири. Амма ишбархлра ил улкала лебдешличи чила-сабил ицтяхлдухъи сари.

История – убла манзилла бикъри, хлекъдешла пала, жыв заманаличила хабарчи саби. Ишбархли Ливияла пунтчибала къукъили пасихли патриот Пумар ал-Мухтарли сунела хиличил белкүнси улкала историяличила хъумкартурли, западла тамяхкартала арилиубикахъиб Ливия. Илдас имкан бедиб чула улкализир дахъал харабдешуни дегъахъес, азирти адамти агарбарахъес, илдала лугилизлив Муммар Каддафира. Се сархесара улкалис ва халкълис дахъал гяхлешуни дарибси Джумахерияла халавегил агарварили. Ливияла патриот Пумар ал-Мухтарван, Иракъла пача Садам Хусейнван Каддафира гъармукартас муклүрхлекили, улкала ва халкъла азадеш багъанданси гъазализив гъарли-марси гъабзаван алхун. Илра шагъид сайри. Илди урхлехъухъахъун «даршудеш глеббурцантала» – – НАТОла закирадти бомбабани, ванзаличибадси халаси зугъаси дявила цакъли.



Историяла – кадиркути анцбукъунала кахси хлекъдеш – «даршудеш глеббурцантани» (миотворцыбани) Пярабла улкни чула чихъси хлрлиур – лишанниур дихлүли сари. Илди къарауйчиб саби илди улкназиб се биалра вьшбухъахъес, глур саби чула бомбачил чедиберхес. «Тиран-зулмукар» пачахл агарварес багъандан. Се лебхули, гъатли, ила?! Се хйба Афганистайзи, Иракълизи, Ливиялизи? Биса, яс, зулмурти, харабдешуни, агри-таши... Чус биалли – иларти набт-бензиннис веглеш! Гъанна илди хасмушуну Сириялизи яргабиутигъунти саби. Илдачил цугбуцибхели, зулмукарти – вайнукъяби сабрира Саддамра Каддафира ва и.ц. Илдас жаваб – илди «Уркелци буртланта» урхлала лебдешличи гъаргъдешла, хлусуддешла, чула улкнала вершалара къурбунти сабри.

Нуша, ца шилизирадти чумал адам, устаз Сягид-афандичи дякунра, ва нушала шилизибадти гялимти хушани барибси ширк саби, Сягид-афанди насихятчи ахен, я илис илгуна барахъес чилилра ихтияр гибси ахен, сунес сай насихятчи сайра викуси сай, бикдули саби. Цацабехити бирхарули хилхли калун илдигунтачи. Бархъдеш багъес дигула.

Жаваб балгаличибад бехибирхъис. «Я, Аллагъ ﷻ бархъдеш хергъутази ил аргъахъа ва ил къабулбарахъа. Устаз Сягид-афанди насихятчи виъниличила гъачамалра чилра ташми-шухунси ахен. Ил жагъли левай бахъал муршидунани ила-ла къисматличила бурутири. Инхолизивадси Тарикъатла шейх Гябдул-Хиямид-афандили Чирклейлизивадси сунела мюрид Шамхалла урши Мухяммад-хияжизи хъарбаиб: «Хушала шила дублабси юртлизив игъбарла веГ ятим лев. Сена илала баркъ-бац?». Илени бахъал чирклейлантази иличила хъарбиусири или бурули саби. Илкъяйда сабра саби: Сягид-афандила юрт шила дублабси саби. Мухяммад-Пяриф-афандили чуйнал бурибсири: «Чирклейлизиб, дила дурхлини, Идбагла гъез лебси саби. Ил бахълис гячхъибубси бархлира лябкъан».

Гъачам Сягид-афанди сунела шан Гялила урши Пябдуряхманничил, Нечаевка шилизи, сунела устаз Мухяммад-афандичи вакиб. Учителъли илизи иб: «Сягид, дила урши, дила цакъани кадурхули сари. Наб гьергъи насихятчили чи ветаалли гяхисил дебали пикришхлира. Аллагълизи ﷻ дила букъур чи ветарарал илала у багъахъес улгескайира. Нуни балула хела дагъирира баркъудлумира лайшкъси даражаличир дигъни. Гъанна нуни хези ихтияр лулула ва гъаннала гьергъи ху дила баркъудлуми даим-дируси букъур сайри». Сягид-афандила хулби нургъбани садяхъиб, дяхличир майа дагъардиуб ва сунела устазлизи илгуна халати жавабкардешла баркъуди хъархебарахъес тиладиухъун. Илала гъайличи лехизесалра дигули ахенри устазис. Букъурдеш (иджаза) чила биалра дигни хясибли хъардирути яра керисути ахен викулри ил. Иличиблира ил анцибукъ таманхебиуб. Батлухлизивадси Сааду-Хияжила урши Мухяммадли Чирклейлизи Хасмухяммадличил устаз Мухяммад-афанди амруличил вархъиб Сягид-афандизи насихятчидеш къабулбарахъес багъандан. Амруличил дарх илдани насихятчидешла печатьра халатра (хиркъат) дарх хиб. Илди устазличирад устазличичи диути сари (силсила) хясибли. Ил чисалра дигъандеш ахен.

Гъалабгунти гъарли-марти шейхани гъанна агара бикдути хатлабиркули саби. Ил дагъри камтала пикри саби ва динна гилмула жузани уббирхъуси далил саби. Абу аль-Хиясан аш-Шазилили илдигунти адамти Мухяммад Идбаглис ﷺ марли кахели, Муса идбагличи ﷺ бирхути Исраилла дурхначил цугбурцули саби. Пьергъиси замана, бархъаначи буралли, бусягъитлизиб шуйхри биэс хебирар бикдута ла пикруми жузазир, адамтала дагърилизири ва аргъазир лерти гякълумачи ургерти сари. Сен? Сенахенну имам Раббанни бурибсири: «Дила гъуни буцибти Накъшубандийтала тарикъат иш дунъа лебай бузули кавлан. Имам Магъди ахирласи сай ил гъуйчив». Сайфулла-къади виклар: «Дагъи-стайлизиб Шазилийла тарикъат бархилич-бархли вавалибир-хъули саби». Илкъяйдали, муршидуни агарси замана биубси ахен, ва бирра хебирар, иншаАллагъ ﷻ!

Ванати шинничил дазала дарес асубирусив?

Ванати шинничил дазала дарес асубирусисаби, амма дуцарти шинничил – ахен.

Бегтала ихтияр агарли рурсилис магъар дихъес асубирусив?

Юх, асубирусисахен. Исламла къайдурти хясибли, ... Шаригъат хясибли, гъачам хъариубси риаб яра хъариубси ил къайгимли – дудешли, хала дудешли ва цархилтани шери редес гягъиниси сари. Дудешла ихтияр агарли барибси никъахли (магъар) гъарли-марсилизи халбирусисахен. Илис бикъурдеш дирули сари Чевяхъис Аллагъла ﷻ дугъбани (мягъна): «Магъар дирхъахъеная чула ва къайгимла къабул-деш хясибли» (4;25. «Тафсир аль-Джалалайн», Махлалли).

Усуси замана мухлилизирад дурадиркути шинкладешуни нас-дешлумази халдирутив?

Усусила мухлилизирад дашути шин наджас (нясдешлуми) сари, рахли илди чимхъализирад дашути ва хейгеси гягъилчилти духъугла рангла диалли. Хебиалли, чимхъализи кахледаили дурадикибти диалли, яра иличичила ташмишдеш алкдули биалли, шин наджас ахен («Фатхуль Пяллам», цаибил том,468 ибил бяхл).

Ну хияжлизи вякунра ва дила гъунар хясибли динна гъуйчивад вашусира. Дила хъунул ребкхибхили кинайсра хъайчикайира. Кинибил хъунузи дехибала дарахъес тиладикилтра, амма илини дила ибси бирули ахен. Гъанна нуни себирусив? Шаригъат хясибли иличил секъяйда гъайиклес гягъинили?

Хела хъунул Исламла къанунти хедалухели сари илкъяйда каризурси. Ил багъандан илизи Исламла лебсигъуна жагадеш чебиахъули гъарил секлал аргъахъа. Иличила хабурти дура, Исламла литература белчлахъен. Гъалакмайкдуд, гъарил секла сунела замана лебси саби.

Нуни чебаибси муэрли дебали тамашавихъубра. Муэрлизив ну вебкили, кинайс миццириубли чебаира. Селис сабира ил?

«Тафсируль ахлям ли Ибн Сирин» жузлизив бурили саби: «Рахли муэрлизив сай вебкили, кинайс миццириубли чеалли, илини иргъахъуси саби бегл гъалаб сунени бунагъ барниличила ва кинайс иличи пашманиъниличила».

Шейх Мухяммад-Гярифла уличилси Дагъиста Исламла университетли



Балахъули саби бархлехъла отделениелизиб бучлес хъулбикдути, бузерилизивад яра белчудилизибад къябхебердили, динна багъуди касес дигути матъал къабулбирниличила. Исламла багъудлуми касили, хушани хушала хъулрази ва жамигъитлизи Исламлизивад иртгуси ахирагарси гяхидешла

кахлебурхуси шала лебхидая. Илени хушаб керила баркъудлуми дурадурклахъес кумекбиру. Бучлахъес къабулбиру 14 дула гъамруличивад бехибхили, лебилра хъулбикдути, ихтилатбарнила хъулчиличиб. Мурул адамтани ва хъунул адамтани багъуди декларли кайсу.

Белчудила манзил:

Программа 3 дула саби. Белчуди таманбиубли гьергъи хъулбикдути ДИУ-ла херила отделениелизи бурцу. Дугъадизес иш гьергъиси адрес хясибли дирудая: Мяхъичкъала шагъар, Дахадаева уличилси къакъа, 136. Шейх Мухяммад-Гярифла уличилси Дагъиста Исламла университет (Бекл мижитла мер-мусаличиб), шагъарла корпус, 5-ибил дерхл. Дурсри дехдирхъути сари октябрьла цаличирад.

Телефонти:

мурул адамтас: 8-988-771-10-20; хъунул адамтас: 8-988-420-46-48.

Мекъличив улхъес асубирусив?

Мекъличив разили ватухъес асубирусисаби. Амма асухебирусисеклал бирусисахен. Нушала мукърачиб сели биркъули гъатли адамти? Мурул адамтира хъунул адамтира хленкълизирти мазаван дазуагарли булхъули саби. Илгуна баркъуди Исламла къадагъабарибси саби. Исламла урхила хуна, илала хурмат-къимат хедуэс багъандан, хулбази херизахъес къадагъабарули биалли, сейклес вирусил булхухъели чус дигуси тяхъарли урхила хъунрачи мурул адамти хербикдули биалли? Шаригъатли мекъ суннатлизи халбирули саби ва ил разили дураберкесра асубирусисаби, амма асухебирусисаби хебаресра багъес чебси саби («Нигъмагунала багъудлумала хазна» бикдуси хурматла шейх Сягид-афандила жузлизивад).

Рузнама

Декабрь

дни	Утренний Ас-Субхл	восх.	Обеден. Аз-Зугър	После-обеден. Аль-гъаср	Вечерн. Аль-Магъриб	Ночной Аль-гъишаъ
1	6:21	7:58	12:45	15:00	17:20	18:52
2	6:22	7:59	12:45	15:00	17:20	18:52
4	6:24	8:01	12:46	15:00	17:19	18:52
6	6:26	8:03	12:47	15:00	17:19	18:52
8	6:27	8:05	12:47	15:00	17:19	18:52
10	6:29	8:07	12:48	15:00	17:19	18:52
12	6:30	8:08	12:49	15:00	17:19	18:53
14	6:32	8:10	12:50	15:01	17:19	18:53
16	6:33	8:11	12:51	15:01	17:20	18:54
18	6:34	8:13	12:52	15:02	17:21	18:55
20	6:35	8:14	12:53	15:03	17:21	18:55
22	6:36	8:14	12:54	15:03	17:22	18:56
24	6:37	8:16	12:55	15:05	17:23	18:58
26	6:38	8:17	12:56	15:06	17:25	18:59
28	6:38	8:17	12:57	15:08	17:26	19:00
30	6:39	8:18	12:58	15:09	17:28	19:02

